

於醫師以教授不定考第者可求考課令也。略又醫疾令云凡國醫師教授醫方及生徒課業年限并准典藥寮教習法其餘雜治行用有効者亦兼習之者

〔續日本紀二十七〕天平神護二年五月乙丑太政官奏曰准令諸國史生博士醫師國無大小一立定數

但據神龜五年八月九日格史生之員隨國大小各有等差其博士者總三四國一人醫師者每國一人今經術之道成業者寡空設職員擢取之人繕寫之才堪任者衆人多官少莫能通用朝議平章博士總國一依前格醫師兼任更建新例職田事力公廩之類並給正國不給兼處有料之國名為正任無料之國名為兼任其史生者博士醫師兼任之國國別格外加置二人庶令經術之士周遍宣揚功勞之人普蒙霑潤奏可

〔類聚三代格五〕勅如聞頃年諸國博士醫師多非其才託請得選非唯損政亦無益民自今以後不得更然其須讀經生者三經傳生者三史醫生者太素甲乙脈經本草針生者素問針經明堂脈決略並應令任用迭被任之後所給公廩一年之分必應令送本受業師如此則有尊師之道終行教資之業永繼國家良政莫要於茲宜告所司早令施行

天平寶字元年十一月九日日本紀又見續

〔續日本後紀十〕承和八年二月乙卯式部省言式云諸國博士醫師解任之後各還本司令熟本業若望更任者聽之不勞覆試其被試及第既任遭喪者服闋之後復任滿歷但不經試者不在此限省依式文喪解之所不補他人服闋之後令遂其歷因茲教授醫療一年曠職謹案式云官省判補雜色之輩遭喪解任若有才用者聽奪情望請不待服闋特從復任者許之可其先得試復更任者亦同此例

〔類聚三代格五〕太政官符

應大學典藥諸生者苦住學舍并鴻儒名醫子孫依薦舉任諸國博士醫師事

右大納言正三位源朝臣能有宣奉勅如聞年來諸國博士醫師從事之間或非其人今須內藥生年勞